


An Bhoisnis

Ón Vicipéid, an chiclipéid shaor.

Is í an **Bhoisnis** teanga oifigiúil na Boisia. Go bunúsach, is leagan den tSeirbea-Chróitis í, agus í bunaithe ar an gcanúint *štokavski*, chomh maith leis an tSeirbis agus an Chróitis chaighdeánaithe. Tá an Bhoisnis níos saibhre i bhfocail iasachta ón Tuircis ná an dá theanga chaighdeánacha eile, ach tríd is tríd, tá sí intuigthe ag lucht a labhartha siúd. Is é an leagan *ijekavski* den teanga a úsáidtear, is é sin, scríobhtar agus labhraítear *ije* nó *je* sna focail ina raibh an t-[æ] fada sa tSean-Slaivis Eaglasta (*vjetar* in áit *vetar* "gaoth", *mlijeko* in áit *mleko* "bainne", mar shampla). I bhfocal áirithe, úsáidtear an -h- idir gutaí (cosúil leis an gCróitis), nuair a úsáideann an tSeirbis an -v-: *duhan* "tabac", *gluho* "bodhar". I bhfocail áirithe, úsáidtear an -h- nach bhfuil le cloisteáil i gceachtar den dá chaighdeán eile, toisc gur ceann de na saintréithe Boisiacha atá ann: *lahko* "furasta" (Seirbis agus Cróitis: *lako*), *kahva* "caife" (Seirbis: *kafa*, Cróitis: *kava*).

Tá an Bhoisnis idir eatarthu idir an dá theanga eile ar a lán bealaí. Go bunúsach, roghnaíonn an phleanáil oifigiúil teanga an téarma Crótach thar an téarma Seirbiach, má tá difríocht ann; ach bíonn caint na ndaoine níos cosúla leis an tSeirbis ó thaobh an fhoclóra de. Úsáideann an Bhoisnis ainmneacha Laidine (ainmneacha idirnáisiúnta) na míonna, cosúil leis an tSeirbis, ós rud é gur cleachtas seanbhunaithe é seo sna canúintí a labhraítear sa Bhoisia.

Boisnis (Bosanski)	
Á labhairt:	An Bhoisnia-Heirseagaivéin, an tSeirbia, Montainéagró, an Chróit, an Mhacadóin
Réigiún:	An Eoraip
Cainteoirí san Iomlán:	2.7 - 5 milliún
Rang:	~
Líne ghinealaigh:	Ind-Eorpais <div>Slavach<div>Slavach Theas<div>Seirbea-Chróitis<div>štokavski<div>Boisnis</div></div></div></div></div>
Stádas Oifigiúil	
Teanga Oifigiúil:	Na Boisia
Foras Pleanála Teanga:	n/a
Cóid teangeolaíocha	
ISO 639-1	bs
ISO 639-2	bos
ISO 639-3	bos (http://www.sil.org/iso639-3/documentation.asp?id=bos)
Amharc ar: Teanga – Liosta Teangacha	



Is síol é an t-alt seo. Cuir leis (https://ga.wikipedia.org/w/index.php?title=An_Bhoisnis&action=edit), chun cuidiú leis an Vicipéid.

Má tá alt níos forbartha le fáil i dteanga eile, is féidir leat aistriúchán Gaeilge a dhéanamh.

Aisghafa ó "https://ga.wikipedia.org/w/index.php?title=An_Bhoisnis&oldid=717498"

Tugadh an leathanach seo cothrom le dáta an 15 Aibreán 2014 ag 00:46.

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bheis. Féach ar [Téarmaí Úsáide](#) le sonraí a fháil.

Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.